



REPUBLIKA E KOSOVËS / REPUBLIKA KOSOVA

GJYKATA THEMELORE GJILAN

Numri i lëndës: 2024:091807

Datë: 17.05.2024

Numri i dokumentit: 05698461

P.nr.165/2024

NË EMËR TË POPULLIT

GJYKATA THEMELORE NË GJILAN- Departamenti i Përgjithshëm, gjyqtari i vetëm gjykues Veli Kryeziu, me bashkëpuntoren profesionale Vlora Selmani-Rahimi, në çështjen penale kundër të akuzuarit D..M...nga Gj..., për shkak të veprës penale posedim i paautorizuar i narkotikëve, substancave psikotrope ose analoge nga neni 269 paragrafi 2 i KPRK-së, duke vepruar sipas aktakuzës së Prokurorisë Themelore në Gjilan me numër PP.II.nr.423/2024 të datës 20.03.2024, me rastin e vendosjes lidhur me kërkesën e Prokurorisë Themelore në Gjilan për dhënien e urdhrin ndëshkimor, pas konstatimit se të dhënat në aktakuzë ofrojnë bazë të mjaftuar për dhënien e urdhrin ndëshkimor, me datë 13.05.2024, mori këtë:

A K T G J Y K I M

PRANOHET kërkesa e Prokurorisë Themelore në Gjilan për dhënien e urdhrin ndëshkimor me shenjen P.II.nr. 423/2024 të datës 20.03.2024, andaj kjo gjykatë jep këtë:

URDHËR NDËSHKIMOR

Ndaj të akuzuarit: **D... M.** nga babai E lindur më datë ...në Gjilan me vendbanim në Rr. Te kompleksi banesor nr.11 “ ... dhe te pompa e derivateve ‘. nr.persona,...Gjilan, i punësuar-kamariet, te restorant Prishtinë, me gjendje të mesme ekonomike i pa martuar shqiptar, shtetas i Republikës së Kosovës.

ËSHTË FAJTOR S E P S E

Më datë 06.03.2024, rreth orës 21:00 minuta, në rrugën „e Gjinollëve Gjilan,i pandehuri , D... Muji pa leje dhe autorizim ka poseduar substancë narkotike, ashtu që Njësia patrulluese, gjatë kontrollës trupore, te i pandehuri, kanë gjetur, një pako rizlla si dhe një grinder, ku në te kishte substancë narkotike- marihuanë, me peshë 0.43 gram e cila sasi i është sekuestruar, në këtë

mënyrë i pandehuri me veprimet e tija pa leje dhe pa autorizim ka poseduar substancë narkotike.

- me çka ka kryer veprën penale, **Posedimi i pa autorizuar i narkotikëve, substancave psikotropike ose analoge nga neni 269 paragrafi 2 KPRK-së.**

Prandaj, në bazë të nenit 4,31,38,40,43,të KPRK-ës si dhe të nenit 495 par. 1.1 të KPPK-së, të akuzuarit i shqipton:

DENIM ME GJOBË

Ashtu që i akuzuari dënohet me dënim me gjobë në shumë prej **200 (dyqind e euro)€**, të cilin dënim është i obliguar që ta paguajë brenda afatit prej 15 ditëve nga dita e plotfuqishmërisë së aktgjykimit.

Nëse i akuzuari refuzon të paguajë dënimin me gjobë ose nuk është në gjendje ta paguaj atë atëherë dënimi me gjobë me pajtimin me të akuzuarit do të zëvendësohet me punë në dobi të përgjithshme ashtu që 8 (tetë) orë të punës do të barazohen me 20€ (njëzet euro) ndërsa nëse i akuzuari nuk pajtohet me zëvendësimin e dënimit me gjobë me punë në dobi të përgjithshme atëherë dënimi me gjobë do të zëvendësohet në dënim me burgim në atë mënyrë që për çdo 20€(njëzet euro) do ti caktohet një ditë burgim.

Konfiskohet – substanca narkotike e llojit “” me peshë 0.43 gram dhe një grinder në bazë të nenit 269 paragrafi 3 i KPRK-së.

Obligohet i akuzuari që të paguajë shpenzimet e procedurës penale aq sa do të bëhen sipas llogarisë përfundimtare, ndërsa në emër të paushallit gjyqësor, të paguajë shumën prej 20€, si dhe në emër të kompensimit për viktimat e krimit të paguaj shumën prej 20€, brenda afatit prej 15 ditëve nga dita e plotfuqishmërisë së aktgjykimit.

A r s y e t i m

Prokuroria Themelore në Gjilan, Departamenti i Përgjithshëm, ka ngritur aktakuzën P.II.nr.349/2024 të datës 11.03.2024, për shkak të veprës penale të lartcekur dhe njëherësh gjykatës i ka kërkuar dhënien e urdhrin ndëshkimor dhe shqiptimin e dënimit me gjobë me arsyetimin se ka prova të besueshme nga kallëzimi penal, lidhur me besueshmërinë e akuzës së propozuar në drejtim të vërtetimit të fakteve se i akuzuari vërtet e ka kryer veprën penale për të cilën akuzohet.

Gjyqtari i vetëm gjykuese me rastin e shqyrtimit paraprak të çështjes, gjeti se janë plotësuar kushtet nga neni 493 të KPPK-së dhe konform nenit 495, par. 1, 2 dhe 3 të KPP-së, dhe vendosi që të pranojë kërkesën për dhënien e urdhrin ndëshkimor si në dispozitiv.

Kjo gjykatë, konsideron se provat e bashkangjitura në shkresat e lëndës, janë bazë për dhënien e urdhërit ndëshkimor si vijon: Raporti fillestar i incidentit, me nr. rastit 2024-CA- 0338 i datës 09-03..2024 , Raporti i testit fushor me nr. të rastit 2024-CA-328, i datës 12.03.2024, kërkesa për egzaminim të drogës e datës 11.03.2024, informacionet e personit, për të pandehurin, Akti përcjellës i datës 06.03.2024, dekorata e të pandehurit,vertetimi mbi sekuestrimin e përkohshëm të sendeve, fotografi e substancës narkotike, Raporti i oficerit, Besiana Nuhiu, aktvendim për egzaminim i datës 20.03.2024 , si dhe shkresa te tjera te bashkangjitura në lëndë.

Substanca narkotike e llojit “ Marihuanë” me peshë 0.43 gram dhe një grinder është konfiskuar në bazë të nenit 269 paragrafi 3 i KPRK-së.

Andaj, duke u bazuar në të lartcekurat dhe në kuptim të nenit 495 paragrafi 1,2 dhe 3 të KPP-ës gjykata vendosi si në dispozitiv të këtij aktgjykimi.

GJYKATA THEMELORE NË GJILAN
P.nr.165/2023 me datë 13.05.2024

Gjyqtari

Veli Kryeziu

KËSHILLA JURIDIKE: Kundër këtij aktgjykimi i pandehuri mund të paraqes kundërshtim në afat prej 8 (tetë) ditëve nga dita e pranimit të të njëjtit.